

## योहान 14




इंका येसु, “मिमेट मीवा मनसुन कस्टमते वाटमट. पेनदापोरो विस्वासम इरट, इंका ना पोरागुडा विस्वासम इरट. नावा बाबाना लोते वेल्लेन अर्रा मंता. ओक्कला हिलाकोटे मंचि मत्ते, मीवाहार्टी जेगा तयार कियालय होंचंतन इंचि, नना मीकु वेहचि मन्नेन. नना होंचि अवुन सदुरतंका, मल्सि वासि मीकुन आंतन. अस्के नना मनानगेन, मिमेटगुडा मंदकिट.”




नना योहानुन मीवा दादान आंदुन. येसु बोगांसता तिप्पल्कुने, राज्यमते आनि ओप्के पियमळते मीवातोनि दंटाते मंतन.

नना पेनदा पोले आनि येसुना बारमते गवाइ वेहताहार्टी



पतमोस इनना दीबेतगा बंद कीसि मंतन.

अस्केने नना पवित्र आत्माते निंडतन. नाक स्वर्गमते राजगद्देपोर्रो बोरो वरोर उद्दिस मत्तद दिसतोर.




3

अचोने आयाका स्वर्गमते, बूमिपोर्रो, बूमि हिळु, समुद्रम आनि अवुने मनानव अन्निगुडा, “राजगद्देपोर्रो उद्दनोनद आनि गोर्रे पोरिनद, स्तुति, कदर, महिमा आनि बलम बस्केळताहाटी मन्निकांटी,” इंचि इनानद नना केंजतन.




4

अस्के, पेनदागटाल पवित्र सहर पूना येरुसलेम, स्वर्गमताल हिळु रेयानद नना हूळतन. मरमिना पेडानाहाटी, मरमिना पेगिड बल्हा तयार आंता, अल्हा अद सहर दिस्सेक मत्ता. पजा राजगद्देतगटाल उंदि पेद्दा लेंग इल्हा केंजावाता, “हूळाट, पेन इंदके मनकालोरा नड्डुम जेगा आता. अद ओरतोने मनंता. ओर दाना लोकुल्क आंतुर, अद कुददु ओरा पेन आसि ओरतोने मनंता.”




5

अस्के पेनदा दूता नाकु सक्कगा मिटकरा मनना पिस्वरता एर हिय्यना बेरेटुन हुपिस्ता. अद बेरेड पेनदा आनि गोर्रे पोरिना राजगद्देताल सुरुव आसि, अद सहरता पेद्दा हरदा नड्डुमताल पोंगसेक मनुंदु.



6

अद सहरते वेलगु हियालय पोळ्दु, वेडसिता अक्सरम हिल्ले, बारित्ते पेनदा महिमाता वेलगु अगा कांति हींता आनि गोर्रे पोरि दाना वेळसि आंद.



7

गोर्रे पोरिना पिस्वरता पुस्तकमते बोरा पोरोर्ली अय्ते रासि मंतां, ओरे अद सहरते होळिया परांतुर. गानि अपवित्र लोकुल्क, पापि कबाहक कियानुर हिलाकॉटे आबद्दम वळ्कानुर अद सहरते होळिया परूर.



8

“अद ओरा कळकुना कांडेहकुन  
उस्मंता. मोदाटा पोल्लें मायसोत्तां,  
अदुनहाटीं ओर्कु हामुर, दुक्काल्क,  
बादां, तिप्पल्क मन्नों,” इचि  
केंजावाता.




9

अद सहरते वायना रोजकुने बस्केने सापनेम मन्नों.  
बारित्ते अगा पेनदा आनि गोरें पोरिना राजगददे  
मनंता. अवुना सेवाकुल्क पेनदा सेवा कियानुर.  
ओर दाना मोकोम हूळांतुर.  
ओरा कपालमपोरों पेनदा  
पोरोल रासि मनंता.



10

पजा, हासि मत्ता सिन्नाल्कुन-पेददाल्कुन अंटोर्कुन  
राजगददेता मुन्ने नित्तिसि मत्तदं नना हूळतन. पुस्तकाल्क  
विच्चिसि मत्तां. पजा इंकुंदि पुस्तकम विच्चुमळ जर्गता, अद  
पुस्तकम इत्ते पिस्वरता पुस्तकम आंद. पुस्तकाल्कुने रासि  
मत्ता पोल्लेन पोरोटाल, हासि मत्तोर कीता  
कबाहकुन पीसि ओरा न्यायम कियमळ जर्गता.  
पिस्वरता पुस्तकमते बोरा-बोरा पोरोलीं  
अय्ते रासि मना  
हिल्लेंगों, ओर्कुन  
अंटोर्कुन तळमिता  
सेरवुने वाटमळ  
जर्गता.



11

पेनदा आत्मा आनि मरमिना पेगिड, “हिव्के वा” इचि वेहांता.  
केंजानोरगुडा, “वा” इचि इन्निरकांटी. दूपा आसि मत्तोर बोरे  
आयिर इद पिस्वर हियना एतुन पुक्कटते उन्ना वच्चु.



12

पेन दुनियातोर्कुन इच्चोन पावरम कीता गदा,  
दाना वरोरे मरिनगुडा ई दुनियातोराहाटीं  
हीता. ओन नम्मना हरेक मनकल नासडेम  
आयामन्नि गानि ओन्क बस्केळ्क  
पिस्सना पिस्वर दोर्कना इचि  
अद अल्हा कीता.

60



60

13

रोम 3:23 बारित्ते अंटोर लोकुल्क पापम कीसि, पेनदाहेंदाल  
दोर्कना कदरताल लक्कु आतुर.

रोम 6:23 पापि कबाहकुना कूलि इचि मनाकु हामुर दोर्कता. गानि  
पेन मनाकु मना सामि येसु किरिस्तुनहेंदाल वरम इचि बस्केळ्क  
पिस्सना पिस्वर हींता.

इब्रि 9:27 बल्हा लोकुल्क अंटोर उंदि मल्का हासि दांतुर, पजा पेन  
ओरा न्यायम कीता, इचि मुन्नेन निरनायम कीसि मंता,

इपीसि 2:8,9 पेन कुर्पा कीताहेंकेन मिमेट किरिस्तुनपोरों विस्वासम  
कीतिर. मीवा विस्वासमतुन पीसि मीकु मुक्ति दोर्कता. इदंता  
मीवा कय्दाल जर्गतद आयो गानि पेन हीता वरम आंदु.

इद कबाहकुनाहेंदाल दोर्कतद आयो, अदुनहाटीं बोरे पोंगुडतनम  
वेहकुना मन्नि.

14

रोम 10:9,10 अद बल्हा इत्ते, नीवा पिस्वरते, येसुए नावा सामि इंचि निमे तोब्दाल ओप्कुंचि, 'ओन पेन हातोरव्टेडाल मर्रा जीवाते तेहता,' इंचि निमे नीवा मनसुनाल विस्वासम कीते, पेन नीकु मुक्ति हीता.

बारित्ते मनम मनसुनाल विस्वासम कीतोम इंचि मनाकुन पेन नीतिमंतुल्क कीता. तोब्दाल ओप्कुत्तोम इंचि मनाकु पेन मुक्ति हीता.

योहान 3:16,17 पेन दुनियातोरुन इच्योन पावरम कीता गदा, दाना वरोरे मरिनगुडा ई दुनियातोरुहार्टी हीता. ओन नम्मना हरेक मनकल नासडेम आयामन्नि गानि ओन्क बस्केळ्क पिस्सना पिस्वर दोर्कना इंचि अद अल्हा कीता.

पेन ई दुनियातोरुके सिक्सा हिया वेहालय, दाना मरिन ई भूमिपोरो लोहा हिल्ले, गानि दुनियातोरुन पिसागोटालय ओन लोहचीता.

15

1 योहान 5:11-13

पेन मनाकु बस्केळ्क पिस्सना पिस्वर हीता, ई पिस्वर दाना मरिनगा मंता. इदे पेनदा गवाइ आद.

बोरय्ते पेनदा मरिन स्विकार कींतोर, ओनाकु ई पिसवर दोर्कता गानि बोनगा अय्ते पेनदा मरि हिल्लोर, ओनगा ई पिसवर हिल्ले.

पेनदापोरो विस्वास इरानोरिटा! बस्केळ्क पिस्सना पिस्वर मिहगा मंता. दीन मिमेटु एरपाट कीम्टु इंचि नना मीकु इव पोर्ले रासा मतन.

16

योहान 14; 2 कुरेंति 5; पेन हुपिस्ता पोर्ले. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Aheri Gondi Bible (esg) © 2022, Wycliffe Bible  
Translators, Inc. All rights reserved.

<https://www.bible.com/en-GB/bible/3417/MAT.1>

©2025 Bible for Children, Inc.  
www.M1914.org www.bibleforchildren.org

17